



## **STRATEGISK RETNING - Innstilling på politistasjonsdistrikt og tenestestader i dei geografiske driftseiningane (GDE) i Vest politidistrikt**

Vest politidistrikt står framfor val knytt til korleis vi organiserer og utviklar GDE´ane i åra som kjem. Målet er å sikre ei berekraftig, moderne og operativ struktur som gir innbyggjarane best mogleg tenester – både der dei bur, og når dei treng oss som mest. Politimeisteren si leiargruppe har no valt ei strategisk retning. Retninga gir føringar for talet på GDE´ar, talet på politistasjonsdistrikt, kva politistasjonar som blir vidareførte, kva som blir føreslått tilpassa for noverande og framtidige behov for lokalt nærvære.

Retninga vi presenterer er gjennomtenkt og byggjer på faglege vurderingar, behovsanalysar og økonomiske rammer. Samstundes er dette byrjinga på ein prosess. Den strategiske retninga skal sendast på høyring i kommunane før ho blir fremja for IDF. Deretter kan det bli aktuelt å leggje saka fram for Politidirektoratet og departementet. Vi ønskjer difor å vere opne om premissa for arbeidet og tydelege på det som ligg til grunn for den strategiske retninga det er stilt inn på. Implementering av den nye strukturen vil skje stegvis, avhengig av rammeføresetnadene for den enkelte politistasjonen og tilhøva elles.

Den strategiske retninga gir likevel berre eit augneblinksbilete som kan endre seg. Politidistriktet må vere innstilt på at endra rammevilkår vil vere styrande for organisasjonsutviklinga både på kort og lang sikt. Ein må difor vera førebudd på at organisasjon og struktur framover må endra seg i takt med utviklinga i samfunnet elles, og i politiet.

Det er viktig å understreke at for dei aller fleste medarbeidarane i grunnstillingar og fagleiande stillingar vil den strategiske retninga og endringane ikkje innebere endringar som krev eit eige personalløp. Vest politidistrikt skal ikkje redusere det samla talet på stillingar som følgje av desse prosessane. I nokre tilfelle kan det blir endring i arbeidsoppgåver, organisering, leiartilknytning eller arbeidsstad. For nokre linjeleiarar kan det vere nødvendig å gjennomføre eit personalløp med individuell kartlegging, vurdering av rettar og plikter, og mellombels og endeleg innplassering. Omstillingsavtalen for politiet vil sjølvsagt gjelde i desse tilfella.

### **Politimeisteren i Vest politidistrikt gir, etter einstemmig råd frå politimeisteren si leiargruppe, følgjande strategiske retning:**

- A) Oppretthalde tre geografiske driftseiningar (GDE). Talet på GDE skal vurderast etter at utviklinga av politistasjonsdistrikta er gjennomført.

B) Det blir lagt opp til ein reduksjon i talet på politistasjonsdistrikt og ein tek sikte på ni politistasjonsdistrikt totalt.

	<b>Politistasjonsdistrikt:</b>	<b>Samanslåtte einingar:</b>	<b>Hovudsete:</b>
1	Nordfjord	<i>Ingen endring</i>	Stad politistasjon
2	Sunnfjord	<i>Ingen endring</i>	Førde politistasjon
3	Sogn	<i>Ingen endring</i>	Sogndal politistasjon
4	Stor-Bergen sør*	<ul style="list-style-type: none"> <li>• Bjørnafjorden og Austevoll</li> <li>• Bergen sør</li> </ul>	Bjørnafjorden politistasjon
5	Stor-Bergen vest*	<ul style="list-style-type: none"> <li>• Bergen vest</li> <li>• Askøy og Øygarden</li> </ul>	<i>Må avklarast**</i>
6	Stor-Bergen nord*	<ul style="list-style-type: none"> <li>• Bergen nord</li> <li>• Nordhordland</li> </ul>	Nordhordland politistasjon
7	Bergen sentrum	<i>Ingen endring</i>	Bergen sentrum politistasjon
8	Voss	<ul style="list-style-type: none"> <li>• Voss</li> <li>• Kvam, Samnanger og Tysnes</li> </ul>	Voss politistasjon
9	Hardanger	<ul style="list-style-type: none"> <li>• Hardanger</li> <li>• Kvinnherad</li> </ul>	Hardanger politistasjon

\* *Førebels namn*

\*\* *Helst i knutepunkt mot Sotra/Øygarden, då med atterhald om moglegheiter knytt til tilgjengeleg bygg/tomt i området, pris og liknande forutsetningar.*

C) Totalt 22 politistasjonar oppretthaldt:

- |                     |   |
|---------------------|---|
| 1) Stad             | 13) Masfjorden  |
| 2) Førde            | 14) Kvinnherad  |
| 3) Sogndal          | 15) Vik (overførast frå Sogn til Voss politistasjonsdistrikt)               |
| 4) Bjørnafjorden    | 16) Florø   |
| 5) Stor-Bergen vest | 17) Høyanger  |
| 6) Bergen sentrum   | 18) Lærdal  |
| 7) Bergen lufthamn  | 19) Måløy   |
| 8) Nordhordland     | 20) Stryn   |
| 9) Hardanger        | 21) Fjaler  |
| 10) Voss            | 22) Gloppen (overførast frå Sunnfjord til Nordfjord politistasjonsdistrikt) |
| 11) Kvam            |   |
| 12) Austevoll       |   |

D) Politistasjonar føreslått som tilpassa\*:

- 1) Bergen sør
- 2) Bremanger
- 3) Bergen nord
- 4) Askøy
- 5) Øygarden
- 6) Tysnes
- 7) Fusa

*\*Ein tilpassa politistasjon er innretta etter lokale behov, og kan vere lokalisert i eigne lokale eller i leigd areal hjå samarbeidspartnar, kommune eller privat utleigar.*

E) Politistasjonar føreslått å fasast ut:

- 1) Aurland
- 2) Årdal
- 3) Vaksdal
- 4) Osterøy



# POLITIET

## INNSTILLING - Geografisk struktur

- GDE – organisatorisk eining
- Politistasjonsdistrikt – organisatorisk eining
- Politistasjon
- Politistasjon foreslått tilpassa/under endring
- Politistasjon utfasast

Geografisk driftseining

Politistasjonsdistrikt

Politolokasjoner

